



## JUDICIAL SYSTEM MONITORING PROGRAMME PROGRAMA DE MONITORIZAÇÃO DO SISTEMA JUDICIAL

### KOMUNIKADU IMPRENSA

Edisaun: Julho 2009

#### **Prezensa “GEORGE BARBOSA” Nu’udar Grupu Defensores iha Julgamentu Attentadu 11 de Feveireiru 2008 Sai Debate.**

Kontinuassaun julgamentu ba kazu attentadu hasoru Xefe Estadu Ramos Horta ne’ebe koñesidu ho “Attentadu 11 de Feveireiru 2008” hala’o fali segunda-vez, loron 14/07/09 iha Tribunal Distrital Dili.

Hanoin katak kazu ne’e sériu tebes, kompleksu, e mos iha tensaun politika no lei, tanba vítima husi kazu ne’e mak Prezidente hanesan Xefe Estadu, nune’e prosedimentu legal tenki akuza ho seriedade no husu atu notifika testemuña sira ne’ebe iha relasaun ho kazu ne’e. Ida ne’e signifika atu bele fo ajuda ba iha tribunal atu ke’e sai, hakait no prova ho seluk nune’e tribunal bele hetan faktus no evidensia ne’ebe objektivu tebes ba kazu ne’e. Kazu ne’e mos sei sai hanesan ezame sériu ba funsionamentu tanba ninia kompleksidade ne’e mak parese tribunal sei aloka loron tolu iha semana ida nia laran hodi rona depoimentos husi testemuña sira.

Interesante tebes iha julgamentu ne’e tanba akontese debate entre Ministeriu Publiku no Grupu Defensores husi arguidu sira, wainhira grupu defensores nomeia George Barbosa atu bele akompaña no fo assistensia hodi halo forte liu tan sira nia grupu ba kazu ne’e.

Hanesan mos estipula ona iha artigu 60 Kódigu Prosesu Penal konaba direitu arguidu ninian atu hetan assistensia legal husi cada defensor ida ou liu, ne’ebe hetan nomeiasaun mesak ou husi tribunal rasik, bazeia ba Kódigu Prosesu Penal. Nune’e defensor ida ne’ebe fo assistensia ba arguida AP Dra. Zenie Ardnt, iha kontinuasaun julgamentu ne’e, husu ba tribunal atu fo lisensa ba George Barbosa atu tama iha grupu defeza ba kazu refere. George Barbosa hanesan ema ka sidadaun Brazilia ida ne’ebe antes sai haesan Oficial da Justisa iha Tribunal Distrital Dili nomos depois sai hanesan Prokurador iha Tribunal Distrital Baucau. Pedidu ne’e sai hanesan materia ba debate tanba hetan objesaun ka rezeita husi Prokurador ne’ebe reprezenta Ministeriu Publiku Dr Felismino G. Cardoso katak objesaun ne’e bazeia ba Lei no 11/2008/30/Jullu konaba

“Advogadus” nomos lei seluk ne’ebe aplikavel iha Timor Leste. Razaun ne’ebe uza husi Prokurador hetan fali objesaun mos husi defensor Dra Zenie Ardnt defensor arguida AP katak, pedidu ne’e la kontrariu ho lei ne’ebe deit ne’ebe aplikavel iha Timor Leste. Tuir nia hanoin pedidu ne’e adekuadu ona ho normas legal artigu 60 KPP, mos artigu 9 e 135 Konstituisaun RDTL nomos Konvensaun ne’ebe Parlamentu RDTL ratifika tiha ona.

Debate ne’e aumenta sériu liu tan nune’e han tempu hodi halo julgamentu, tanba ne’e Prezidente Juizes Kolektivu Constancio Basmary foti desizaun hodi dehan katak sei tetu didiak pedidus tomak. Desizaun ne’e foti nune’e bele asselera ka halais julgamentu. Nune’e Prezidente Juizes husu ba George Barbosa atu la inklui-aan iha grupu defensores ba arguidu sira antes hetan lisensa husi tribunal. Atu resolve konflitu ideias entre Defensores husi arguidu sira no Prokuradores, JSMP rekomenda ba iha Tribunal atu bele tetu didiak no deside ho laran kmaus nune’e la fo influencia ba prosesu julgamentu ne’ebe hala’o hela.

Atu hetan informasaun kle’an favor kontaktu:

Luis de Oliveira Sampaio

Diretor ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

Landline: 3323883